

(2)
ANTONII BYNAEI
S O M N I U M,
RECITATUM TRAJECTI
AD RHENUM,

IN
ACROATERIO MAJORE,
XI. DECEMB. CIO IDC LXXIV.
TERTIO RECUSUM.



D O R D R A C I
Ex Officina THEODORI GORIS.

CIO IDC XCV.

THE UNIVERSITY OF
MICHIGAN
LIBRARY
ANN ARBOR

THE UNIVERSITY OF
MICHIGAN
LIBRARY
ANN ARBOR



THE UNIVERSITY OF
MICHIGAN
LIBRARY
ANN ARBOR



CLARISSIMO VIRO
JOHANNI GEORGIO
GRAEVIO.

.S. P. D.

ANTONIUS BYNAEUS.



Agnam felicitatem mihi adeptus videor, quod, cum amore politorum litterarum ab ipsa adolescentia flagraverim ardentissime, te Doctorem nactus sim, qui illas, cum immortali tua laude, & omnium gentium admiratione, tractas, & summa humanitate complecteris omnes, in quibus est aliqua non alieni à Musis, & iis artibus omnibus, quae homine ingenuo dignae sunt, ingenii significatio, cum alios instruendi, & ad veram & solidam

D E D I C A T I O

eruditionem inflammandi, tuum sit maximum
& indefessum studium. Hoc enim consecutus
sum, ut tuis saluberrimis praeceptis à prava &
sordida studiorum ratione averterer, & iter tu-
tum ad omnia praeclara & sublimia viderem,
& tu, cum non omnino invita Minerva colere
me judicares interiores litteras, singulari cura
juvares meos conatus, & domum, & biblio-
thecam, &, quod majus est, ipsum pectus
aperires, &, nequid deesset, gratiam multo-
rum hominum illustrium, inprimis Nobilissimi
& Summi Viri, cum quo maximae tibi fue-
runt amicitiae necessitudines, NICOLAI HEIN-
SII, conciliares, quem, inevitabili factorum le-
ge, nobis, & Reipublicae literariae, non ita
pridem ereptum, suo merito lugemus, cum
nemo ignoret quantus vir fuerit, non tantum
omni litteratura & bonis artibus longe instru-
ctissimus, verum etiam qui in carminibus no-
vis, quae elegantiam & puritatem priscae Latii
redolerent, pangendis, & veteribus castigan-
dis, ac suo decori restituendis, vix ullos pares,
neminem superiorem haberet. Quare, cum
id omne, quod in studiis praeclararum artium,
quae ab humanitate nomen habent, profece-
rum, uni tibi debeam, nihil prius in votis ha-
beo,

DEDICATIO.

beo, quam ut insigni munere declarare possim, quantopere me tibi devinctum agnoscam. Nunc, quando id quod cupio consequi nondum possum, id, quod proximum est, sedulo facio: Colo memoriam tuorum erga me meritorum, & de tua admirabili doctrina, recondita omnium artium scientia, singulari eloquentia, incredibili humanitate & suavitate morum, qua omnium voluntates, & animos tibi devincis, quoties occasio est, praedico, licet sciam nihil ad gloriam tuam meo testimonio posse adjici, cum monumenta ingenii tui, plurima & pulcherrima, quibus seculum nostrum illustrasti, & literis elegantioribus, inprimis auctoribus melioris aevi tantum adjumenti & luminis attulisti, ut nulli, qui in hoc studiorum genere elaborant, sis secundus, te supra laudem omnem dudum extulerunt, & fama tua, non solum Foederatam Belgicam nostram, verum etiam alios cultiores populos pervasit, adeo ut omnes, quotquot sunt hac aetate viri literati, ac studii doctrinisque dediti, te ament, & ipsi Principes, qui eruditionem sciunt suo pretio aestimare: te ornent, tanquam primarium seculi virum, & vel hunc ingenii mei foetum, in quo ea studia defendo, in quibus tu unus omnium

DEDICATIO.

maxime excellis, uti ante septennium sine tuo nomine & patrocinio prodire nolui, nunc iterum tibi inscribo, ut testimonium aliquod sit grati & memoris animi, & incredibilis observantiae erga te meae. Quod si tibi persuaserit, omnia me consecutum existimabo. Vale seculi & eruditionis decus. Pierhillae in Batavis Kal. Martiis Gregorianis CIO IDC LXXXII.





A tempestate vivimus, qua tanta hominum ineptorum multitudo est, qui melioris litteraturae & Critices scientiam reprehendunt, & eos qui operam in tam nobili studio collocant, derident, ut per hos si staret, haec à tot illustribus, & magnis Viris, eleganti ingenio & doctrina praeditis, tam diligenter culta studiorum ratio, neglecta prorsus & contempta, omnem suam dignitatem in perpetuum amitteret. In homines istiusmodi leporibus lusi, & majestatem Critices ab eorum calumniis vindicare studui pro virili. Ea lucubratio faventia plurimorum judicia experta fuit. Sed homo quidam, qui barbarum loquendi genus, quod multis Philosophis etiamnum placet, putida dissertatione defendit, calumniatus est nostrum scribendi modum, & vigilantem somniare vulgo perinde haberi ac suaviter delirare, dixit. Verum miser ille se expertem omnis elegantiae & humanitatis ostendit, & ignoravit, dum me accusat, se Viros Maximos, Lipsium, Nannium, Cunaenum, Ferrarium accusare, quorum ego somnia imitari malo, quam illorum obscuras vigilias. Id quidem tam parum me movit, ut etiam hoc Somnium hic adjungendum censuerim. Vale.

IN
S O M N I U M

Ingeniosissimum

Viri Elegantissimi & Pereruditi

ANTONII BYNAEI,
ULTRAJECTINI

L Aurigeri sapiant Parnassi in vertice vates,
Stans mediâ Orator Palladis Arce sapit.
Prima Poëtarum laus, somnia fingere: sed nunc
Rhetoris (en!) cerebrum Somnia ficta parit.
Haud aliter Jove nata suo Tritonia quondam
Prodit, & vatum fabula facta fuit.
Aurum alius, longos alius sibi somniet annos,
Et quodcumque nivis more perire solet;
Scaligerum ingentem qui somniat atque Sophiam
RYNIADES, Orbi se vigilare probat.
Quàm lepidè nostras furatur & abripit aures!
Rhetoricum quantâ differit arte melos!
Utile dum dulci, veris dum Somnia miscet,
Discimus attenti sola polita loqui.
Nox caeca & vocum Chaos hæc post Somnia cedent,
Quæque latent, poterunt Sole recente frui.
Barbara, sic abeat, BYNI, farrago loquelæ,
Sic, nove Linguarum Phosphore, rede diem.

LUCAS VANDE POLL. J. U. D. &
in Academia Ultrajectina Professor.

ANTONII BYNAEI

S O M N I U M,

RECITATUM TRAJECTI AD
RHENUM,

IN

ACROATERIO MAJORE,

XI. DECEMB. CIO IDC LXXIV.

Auditores omnium ordinum, atque aetatum, Nobilissimi, & Praestantissimi.

On mirum homines eruditos, & sapientiae studiis excultos, inter quos summa deberet esse animorum conjunctio, jurgia, discordias, simulacres exercere, seque invicem hostili animo laceffere, cum libido contendendi, quae vivos inquietat, mortuos non deserat, aut odia post fata cessent. Hoc quis sciam, si quis quaerat, ea dicam quae in buccam veniunt. Non mihi viae Appiae Curator, qui se Claudium vidisse dixit, cum in coelum faceret iter, à quo omnia, quae post illius mortem acta sunt, audivit Seneca, narravit. Multo minus Menippus Cynicus, senex salissimus, qui saepe Luciano secreta Deorum aperuit, ac in insulam, in qua eruditorum manes seorsim aetatem agunt, Petrum Gonaecum duxit, & cuncta quae in ea peraguntur, virò exquisitae eruditionis ac festi-

vissimi ingenii ostendit. Non me Morpheus Deus, per fenestras binas, sicut Petrum Nannium, ad inferos demisit. Neque ex Jano Douza hausi, qui multa magno Lipsio ostendit, aut ex Lazaro Bonamico, qui alato equo instar Pegasi in Heliconem vexit Octavium Ferrarium. Quis ergo, dices, sive Deus, sive Genius, hoc indicavit? Desine tot quaestiunculis molestus esse, nam post somnum sum paulo morosior. Dicam tamen, si silebis: Mercurius, nepos Atlantis, Jovis qui perhibetur nuntius, per quem Coelorum arcana cum mortalibus communicantur, videndum mihi praeiuit in somnio. Video arrectis auribus, & ore patulo, vos expectare, ut meum somnium edisseram. Ego vero an id tuum sit scio, haud cum olim Juvenis Hebraeus, quod sua somnia recitasset, ab ipsis fratribus multatus male sit, & perconvitium, qui somnia enarrant, Josephi soleant appellari. Sed cum summus, & divinus, omnis eruditionis princeps Aristoteles, de quo vere dici potest, licet cum multorum id invidia conjunctum sit, ex ingeniis Philosophorum, quotquot hac aetate nostra vivunt, in unum si conflata essent, confici non posse unum Aristotelem, tanto quemque meliorem esse, quanto meliora somnia videret, judicavit, securus quid de me dicturi, explicabo somnium. Vos, qui audiendi desiderio tenemini,

*Facite vacivas aedes aurium,
Mea ut migrare dicta possint quo volo.*

*Omnia noctis erant placida composita quiete,
cum in lectum me conferrem, & stragulis ad aures
usque coopertus, paulo post in somnum lapsus sum.*
Ar-

Atque uti animo multarum rerum species in somnis solent occurrere, cubiculum intrare mihi visus est homo juvenis, cum Petaſo, Caduceo, & Talariis. Ex habitu, qualem in Poëtis deſcriptum legeram, facile conjectabam Mercurium eſſe. Is ad meum lectulum acceſſit, & virga ſua tangens leniter: O adoleſcens, inquit, quoniam arcano quodam naturae ductu, & monitis atque exemplis praeftantium virorum incitatus, in ipſa ſapientiae atque eloquentiae arcana penetrare, & utriuſque abdita ſcrutari ſtudes, nihilque quod vulgare ſit, & tritum, te delectat, favebo fervidae virtuti tuae, &, quod caeteris mortalibus negatum eſt, te in coelum ipſum ducam, quod eruditi incolunt. Viſurus illic es, & auditurus, quae nec oculis, nec auribus, à quoquam uſurpata ſunt. Sequere ergo, liti adfuturus, quam Philoſophi Criticis moverunt, quae hodie decidetur. Ego, licet tali viſu & alloquio ita conſternatus eſſem, ut cum animo vocem plane amiſiſſem, tamen mox collecto ſpiritu: Quae, malum, inquiebam, in ſede beatorum contentiones fervent & diſcordiae? Iſti hominum generi nunquam cum Criticis, dum in terris degunt, convenire novi, ſed in coelo, in quod jam conſtituti ſunt mortali corpore ſoluti, ſemper credidi pacem ſummam & arctiſſimam animorum conjunctionem eſſe. Sequere ergo me, Mercurius aiebat, & quae ſupra fidem tuam eſſe dicis, oculatus teſtis cernes. Rei novitate, & cupidine viſendi incitatus, injeſtis tumultuarie veſtibus, Mercurii veſtigia ſequor. Is quidem primo in profundam vallem, deinde ad montem duxit altiſſimum, qui caput ſupra nubila condebat. Hic mons, inquit, nos ſupra Lunam ducet, ubi non, ut quidam falſo putant, Paradifus eſt, ſed

coelum quoddam, proprium eorum, qui doctrinae studia secuti sunt. Mons totus erat saxeus, & undique praeruptus, ac velut opere & consulto praeceptis. Sed in ima parte angusta semita, & paucorum notata vestigiis se aperiebat, quae, cum uni tantum esset pervia, & vepribus ac sentibus obsita, ascensum difficillimum praebebat. Dum ascendimus, Mercurium rogavi, unde acres istae pugnae ac contentiones, ad quarum spectaculum me vocaverat, ortae essent. Longae, tum Mercurius inquit, sunt ambages, nec res paucis expediri potest, summa tamen sequar fastigia rerum. Apollo ingens speculum habebat, in quo quidquid ullo aevo, aut uspiam, extitisset, uno obtutu cernebatur. Quod in penetralibus Theologorum, seu veterum, seu recentium, erat additum, patebat. In eo dolium Diogenis, Epicuri atomi & hortulus, fabae Pythagoricae proventu laeto uberes, Platonicae ideae, cum recentiorum globulis aethereis, & quidquid docuit Peripatus, aut Stoa, videbatur. Omne quod Justinianus sanxit, aut Medicorum cura provida invenit, vel diligentia Historicorum litteris mandavit ac memoriae, seu fabulosa Poëtarum natio excogitavit, cernebatur. Hoc, veluti imperii arcenum, magis quam Palladium servandum, Criticis Apollo dedit. Id omnes quam aegerrime tulerunt. Clamabant Theologi sua sacra jam vel *dimittis* esse nota ac patentia, quod olim nefas habebatur in Cereris mysteriis. Jurisconsulti, & cum illis Medici, in suam messem falcem immissores Criticos indignabantur. Philosophi suam divinarum humanarumque rerum scientiam, Grammaticis (uti Criticos vocabant per contemptum) committi succensebant. Tot contentionum causa speculum hoc fuit, ut vix plures, aut

maiores, excitarit pomum Eridis. Subito vero ple-
 rorumque animi ad pacem inclinarunt. Primi desi-
 stebant juris legumque periti, cum inter Criticos,
 Cujacium, Budaeum, Hottomannum, Brissonium,
 Fabros, Tiraquellum, Gotofredum, Rittershusium,
 Raevardum, Donellum, Gifanium, Cunaecum, u-
 trumque Gentilem, & plura alia praeclara nomina
 viderent, qui, cum principe omnium Alciato, bar-
 bariem, quae jus divinum atque humanum invaserat
 & occuparat, ope Critices, & meliorum literarum,
 felicissime profligarunt, atque ita Jurisprudentiam ad
 cultum pristinum & majestatem revocarunt: fateri
 item cogerentur, sine rituum, & antiquitatum, ac
 penitionis literaturae, quam Critici profitentur, no-
 titia, ne millesimam quidem legum suarum partem
 intelligi. Eadem ratio Medicos permovebat, cum
 cernerent Galenum, omnium parentem, Criticum se
 praestitisse, multa in Hippocrate recensuisse, corrup-
 ta emendasse, transposita & loco mota in integrum
 restituisse, spurios legitimosque libros distinxisse, &
 adversus editores ejus, & interpretes priores, dispu-
 tasse, Hadrianum quoque Iunium, Mercurialem, Fuck-
 sium, Cagnatum, Guilandinum, Ophthmannum,
 Gifelinum, Vesslingium, Bartholinum, Reinesium,
 magnos omnes & praeclaros viros, artem Criticam
 exercuisse. Quiescebant etiam Theologi, licet in sa-
 cris periculofam nimis Crisin gravarentur; monitis
 inducti Philippi Melancthonis, qui ingenio, quo
 semper fuerat, pacifico, infestas inter partes se me-
 dium gerebat. Is ostendit patres antiquissimos, sum-
 mae ac immensae, ad stuporem omnium, & admi-
 rationem, eruditionis viros, Crisin Theologicam exer-
 cuisse. Originem in primis Scripturae varios interpre-

tes inter sese contendisse, & primo sua Tetrapla, è LXX. interpretibus, Aquila, Symmacho, & Theodotione, confecisse, deinde ubi editio in dolo Hierichunte, Palaestinae oppido, sub Caracalla, item altera, & ipsa in dolo, apud Nicopolin, sub Alexandro Mammacae, inventa esset, sua Hexapla, postea cum sacra Hebraeorum monumenta, Hebraeis literis, & Graecis scripta, adiecisset, ordinasse sua Octopla, ac tandem unam versionem, LXX. potissimum interpretes secutum, summa diligentia dedisse, ac in illa, quae addita videbat, obeliscis jugulasse, quae detracta esse animadvertibat, ex Theodotionis versione accepta, in contextum, asteriscis sive stellulis, notasse, diversas denique scripturas appolitis lemniscis indicasse. Quin maximum sanctissimumque virum Hieronymum, in cujus scriptis tum praeclara eruditio, tum summa ac stupenda pietas elucet, in Commentariis praefertim, Græcin hanc exercuisse, & de lectionum, ac interpretationum varietate, sæpe disputasse. Hos cum alios, tum majorem omni laude, doctissimum summumque virum Patriarcham Photium secutum. Tandem, cum haec studia abjecta essent, & contempta, densas illas tenebras orbem Christianum occupasse, & gravissimos ac foedissimos errores in Ecclesiam irreplisse, qui à se, & aliis praeclaris viris, omni eruditionis copia instructis, discussi essent & profligati. Addebat tanto quemque Theologum fuisse doctiorem, quanto diligentius his studiis incubuisset, ut exempla Calvinii, Bezae, Junii, Gomarii, Reverii, Sculteri, Spanhemii, & multorum aliorum, qui suo tempore, & postea, vixissent, declararent. In obscuris autem Sacrorum Voluminum vocibus, ac phrasibus, & gentium, ac Judaeorum

antiquitatibus, & ritibus, nullos certius ac tutius consuli dicebat. Id docere scripta Munsteri, Fagii, Camerari, Drusii, Merceri, Masii, Amamae, Ariae Montani, Bertrami, Botii, Buxtorfiorum, utriusque Capelli, De Dieu, Cartwrighti, Gaulmini, l'Empercurii, Scikhardi, Waseri, Hakspanii, Glassii, Fulleri, Petiti, Hottingeri, &, quos seu principes in omni genere scientiarum eruditus orbis admiratur, Josephi Scaligeri, Isaci Casauboni, Danielis Heinsii, Hugonis Grotii, Johannis Seldeni, Claudii Salmasii, Gerhardi Johannis Vossii, Samuelis Bocharti, quos plurima utriusque foederis loca illustrasse: quae absque iis fuisset à nullo Theologorum adhuc essent intellecta, constare inter omnes adiciebat. Minime tamen paci studebant Philosophi, qui, quod diu odia cum Criticis exerceissent, undique convitiis eos proscindebant, imo linguae volubilitate, quam in quaestiuiculis & rixis exercuerant, oppressuros se se confidebant. Haec mali labes cum late serperet, Apollo intercessit, & minaci vultu. *Quae insaniae vos agitant, & larvae, inquit, quod Criticis invidetis, & me, qui isto munere digniorem judicavi neminem, laedatis. Agite in Sophiae templum cras venite, & quaecunque contra Criticos habetis, libere proferte. Se ipsos Critici defeudent. Sophia, ponderatis rationibus, litem vestram decideret.* Instat ergo nobilissima concertatio, ad cujus spectaculum te vocavi. Vix ea fatus erat, cum jam ad verticem, & coelum ipsum, pervenissemus, in quo eruditi sedibus sacris fruuntur. Tum me Mercurius nebula operuit, ut, Aeneae instar, omnia circumspicere, ipse invisus. Coeli hujus qualis pulchritudo sit, neque ego memorare, neque ullus, vel maximi nominis orator, adum-

adumbrare potest. Majus enim hoc quiddam est, & sola mente contemplandum, quod auditu, aut narratione, percipi nequit. Dum omnia summo cum stupore & admiratione lustro, jam undique ad templum eruditi ibant. Monet tum Mercurius, ut & ipse properarem. Ego, licet jam defatigatus, & sudore madens, prae lassitudine vix ejus premerem vestigia, gressus tamen quantum potui promovi. Templum antiquum erat, & augustum, e duro, ac plane niveo marmore constructum, & sublimibus columnis fultum. Unicolor ejus marmoris candor, qui incomparabili splendore praestringebat oculos, conspectum templi commendabat. In medio solum constitutum erat aureum, gemmis distinctum, quae internitehtes insatiabili contemplatione spectantes tenebant. A dextra parte solii Critici consistebant, à sinistra Philosophi. Ego cum oculos in Philosophorum turbam conjicerem, mirifico quodam videndi magni Aristotelis desiderio incendebar. Itaque, ad Mercurium conversus, ut illum mihi ostenderet rogavi. Eum non adesse Mercurius respondit, quia, cum summus ipse Criticus fuisset, qui Grammaticae, & Criticae, initia dedisset, ac inde nomen Critici pro merito tulisset, & artem hanc, adversus omnes sui, ac superiorum temporum, Philosophos exercuisset, tum judicia de omnibus Poëtis, in praeclaro de Poëtica libello, cujus sola jam fragmenta exstant, divulgasset, Comicorum item fabulas recensuisset, & singulas, cum accurata, quibus fuerant representata, ratione temporum digessisset, ipsi denique Alexandro Poëtarum principem Homerum emendasset, & Homericorum dubiorum libros sex scripisset, Criticorum causae nimium favebat. Hinc etiam, Mer-

curius

curius addebat, nec maximus virorum Julius Caesar Scaliger illorum causae voluit adesse, qui animo excelso, & heroico, ad instar Principis Philosophorum, censorem Poëtarum egit se acerrimum, & Criticum accuratissimum. Nec conspicies Marcilium Ficinum, Picum Mirandulam, Ludovicum Vivem, Rodolphum Agricolam, & Petrum Gassendum, qui omnes, summi cum existerent Philosophi, artem Criticam non neglexerunt. Tota turba, quam vides, illorum est, qui heri nati, & nudius tertius, cum unam quaestiunculam, aut duas controversias, intelligere se arbitrantur, solos sese sapientes putant, & antiqua nunquam consulunt, sed damnant. Inter hos sermones invisitato fulgore templum illustrabatur, ac Diva Sophia intrabat, incessu gravi, matronali decore, & habitu veneranda, ore tamen puellae propiori. Formam pulcherrimam depingere nequeo, cum ex oculis, quavis stella clarioribus, quidam quasi fulgor eluceret, ut diutius eam intueri non possem. Vestes, neque magno artificio confectae, neque multa curae erant circumpositae, sed tunica purissimi candoris, ipso ornatus neglectu, majestatem conciliabat. Dum praetergressam diligentius contemplor, tunicam video, nescio quibus atris & mille maculis variegatis pannis, deturpari. Quare, stupore percussus, Mercurium rogavi, unde haec splendido vestitui aspersa esset foeditas? Is respondit esse sequioris seculi doctorum laceros, atque infimae notae versicolores pannos, inaequaliter affutos. Interea in solum aureum Diva Sophia resedit, & silentium per praeconem fieri iussit. Simul è Philosophorum turba quidam surgit, fastu plenus, & caeterorum contemptum praese ferens, qui omnibus aliis audacior, & confidentior,

tior, dicendi partes sibi arrogaverat. Hic cum

— *propexam in pectora barbam*

ter quaterque manu permulisset, &, vultu ad severitatem composito, frontem corrugasset, supercilia mira arrogantia tollebat, & hiatu magno nescio quae promittere videbatur. Tandem duos *sylogismos figuræ quartæ* (quam prae aliis sibi placere velut per parenthesin addebat) expromit, & bellis aliquot conclusivculis, ex artis suae disciplina, multa Divae Sophiae, quae nihil ad rem attinebant, probare nititur. Tum nihil Criticorum gente vilius, & pretii minoris esse, hoc argumento convincebat, quod ad quam *Categoriam* referendi essent, disputari posset. Non tulit declamantem Diva Sophia, sed silentium imperavit, simul medicum arcessi iussit, qui hellebori ipsi daret quantum satis esset, vel, si non sanari posset, in exilium ad Cimmericos deportaret, ubi lucem non videret, & in *scala praedicamentali* ascenderet, & descenderet, tam irriti labore, ac saxum suum semper volveret Sisyphus, aut pertusa dolia Danaides replerent. Mirus inde fit tumultus, & animorum consternatio, quod patronus ille causam pessime egisset. Orant tamen Divam Sophiam, ne unius hominis inscitia dicendi ipsis copiam adimeret. Concedit Diva, sed ea lege, ne producant hominem, qui, in artis suae ostentationem, ineptior quam prior esset. Ergo circumspiciunt, cui partes illas tutissime mandarent. Imprimis duo erant, in quos omnes oculos coniecerant. Ego, quo nomine vocarentur, submissa voce, Mercurium rogavi. Ille Dormitantium unum, alterum Fabriculanum dixit, & magni nomi-

nominis inter suos esse. Cum diu dubii haesissent, tandem omnium suffragiis Febricianus designatus est. Is, cum aliquamdiu meditabundus constitisset, ita fari inceptit.



Um me illius, Diva Sophia, qui in hanc arenam ante me descendit, exemplum moveat, ut potius oratorum more, quam secundum artis nostrae regulas, disputaturus sim; oro, atque obsecro, ne causae nostrae praepjudicet, si non tantacum verborum pompa, & eloquentiae ostentatione, quam hi Grammatici solent, verba faciam. Rebus enim gravioribus, & sublimibus formandis cogitationibus occupatus, ad has minutias descendi nunquam, sicut haec Criticorum natio, quae talium ineptiarum tristi labore defungitur. Nam, cum verba mentis nostrae & meditationum sint interpretes, in id tantum incumbendum Philosopho existimavi semper, ut ea clara, & nostro aevo usitata, adhibeat, licet non in Cicerone, & scriptoribus aliis, è quibus illi homines suos flosculos, velut è capsula, proferunt, inveniantur. Quare Te rogo, Diva Sophia, ut non tam verba, quam argumentorum, quibus contra illos disputaturus sum, pondera, considerare velis, & perpendere. Atque, ut in unam rationem, quae mihi quidem non videtur posse convelli, omnia contraham, cum praestantia, & eximia, hominibus, nugarum & quisquiliarum investigatione tantum occupatis, committenda non sint, manifestum est, nec hoc doctrinae speculum pretiosissimum Criticis credendum esse, quorum omnis cogitatio, &

industria, in levibus, & minimi momenti rebus tota versatur. Hi vietas, & rancidas tantum observationunculas proferunt, quasi iis ignoratis Respublicalitteraria periret, ac in eo disputant, Virgilius scribendum sit, an Vergilius, & Noctium Atticarum auctor Agellius vocandus, an Aulus Gellius. Tales quaestiones hi vani homines, & sui ostentatores maximi, avide captant, & arripiunt, ex tali mustaceo laureolam quaerunt, totamque in nugis istiusmodi terunt aetatem. Hos capita, & diatribas conscribere videas, si non integra volumina, de antiquis illis naeniis, Homerus, an Hesiodus, sit natu major. Et istorum fidei augustum illud omnis doctrinae & scientiarum speculum committi, quis sine summa indignatione ferat? Quot non illi somnia invehunt, & ridicula, ac supervacua discunt? Quot non vanas res miseris laboribus colligunt? Operae pretium est illa referre, ac recensere, quibus maxime gloriantur, & superbiunt. Si MS. aliquod nacti fuerint, qualia summo studio undique conquirunt, & à Bibliothecis eruunt, ac in eo vocem aliquam, paulo aliter quam in editis scriptam, repererint, vel literam mutatam, statim corrigunt, & ~~vox~~, quam maxime clamant, maioremque gloriam in tam bella inventionem collocant, quam si Babylona, vel Trojam ipsam, expugnassent, & de literula, ac syllaba triumphant, quas jugularunt. Quasi multum in ea re situm esset, an sic, an vero aliter auctor scripserit. Tum, quidquid non implet, ut ipsi solent dicere, aures eorum, vel non Latinum satis videtur, statim de mendo suspectum habent, ac ex conjectura illud corrigunt, vel, si verum audire velint, corrumpunt, & loca sana lacerant, distrahunt, ac pervertunt. Veri librorum car-

nisi-

nifices, & pestes, qui auctores urunt, secant, mutilant, ac pro suo lubitu eorum membra transponunt, & monstra quaedam ex iis conficiunt. Adeo ut jam vere dici possit, quod de Homeri exemplaribus olim dictum est, auctores multo meliores & emendatiores esse, qui minime sunt emendati. Quod si illi homines hoc speculum retineant, futurum praevideo, ut sibi omnium rerum ac disciplinarum peritiam sint arrogaturi, & pro suo corrigendi omnia & emendandi pruritu, in scientiis, & artibus, cuncta depravaturi, & innovaturi. Quare, Divarum omnium pulcherrima, Patrona nostra, & Praeses, coram cuius tribunali in sanctissimo templo convenimus, Te oro, venerorque, ne diutius patiaris praestantissimum hoc doctrinae speculum à Criticis teneri, sed istis hominibus abjudices, ne cuncta pereant, & artes, scientiae, disciplinae corrumpantur, & quid detrimenti capiant.

V Arii post hanc orationem animorum motus fuerunt. Philosophi plaudebant, ac veluti triumphum canere incipiebant. Sed bilis mota est Criticis, cum omnes se notatos cernerent. Et quamvis singuli certatim, & flagrantissime, respondendi partes exposcerent, & magno studio se componerent ad dicendum, tamen uni omnium calculis hae demandatae sunt. Regius decor corporis, venerabilis aspectus, elegantis senectae eximia species, oculi acres, qui animi vigorem prae se ferebant, & seriae gravitatis lineamenta virum ostendebant non vulgarem. Quis esset, Mercurium rogavi. Is, inquit, est Josephus Scaliger, fama super aethera notus, quem vel admirari satis, vel, ut par est, praedicare nemo potest.

test. Statim ut ille ad dicendum surrexit, tantum repente fuit silentium, quale Turcarum esse dicitur, cum in templis sedent. Ille gravitatem, ac majestatem vultu præferens, in medio constitit,

— *expectatoque resolvit*
Ora sono. —



Inveniri quamplurimos, qui res præstantissimas, & plane divinas, contemnunt, vel etiam carpunt, & sinistre detorquent, quid mirum, Diva, cum vel hic homuncio multa in dedecus & opprobrium nostrum declamare non erubuerit. Sed faxo jam intelliget, ac Tu, Diva, testis eris, quantum differant excelsi animi & cordati ingenii viri, ab hominibus imperitis, qui invidere, quam imitari bonos, malunt, & non tantum ex eorum, quæ non didicerunt, contemptu, velamenta ignorantiae, sed, quod pejus est, ut aliis noceant, in frigidissimis ac jejunis calumniis latebras quaerunt. Multa sane convitia in nos congeffit Febriculanus, & plurimarum noxarum reos peregit, inepta sua, & iniqua declamatione, cujus vestigia videbo an respondiendo sequi queam. Quam lepidè se in ipso limine excusat, cur non ornate ac diserte dicat, quia rebus gravioribus scilicet intentus, artem dicendi excoluerit nunquam. Quasi sapientiae percipiendae tantum incumbere & immorari pulchrum esset, bene dicere autem absurdum foret, & gravitate istorum hominum indignum? Quasi quis non posset eleganter & copiose dicendi laudem, ac rerum scientiam sibi compara-

re,

re, simul eloquens esse, & Philosophus? Usque adeo imperitus es, Febriculane, ut summam in veteribus Philosophis dicendi vim ac copiam fuisse nescias? Ut tibi lateat magnos illos viros, omni studio, & labore, assequi contendisse, ut, quae pulchre cogitabant, apte possent & ornate explicare, cum scirent rerum scientiam, sine verbis, aut nullam, & imaginariam, aut mutam & mutorum esse? Si vel solum legisses Aristotelem, scires non tantum orationis flumen aureum fundere, sed insuper praecepta dicendi unum omnium optime tradidisse. Si antiqua consulisses, didicisses Socratem, mortalium sapientissimum, etiam eloquentia omnium facile principem fuisse habitum, & Platonem, cum summa Philosophiae scientia, tum tanta fuisse elegantia, ubertate, jucunditate, & majestate dicendi, ut Jovem ipsam si loqui unquam voluisset, Platonis sermone usurum, neque melius, aut ornatius, loquuturum veteres dixerint. Theophrastum etiam, maximum Philosophum, à divinitate loquendi nomen invenisse, & Xenophontem, propter dicendi suavitatem, Musam, & Apem Atticam, vocatum. Est enim illa praeclara rerum scientia, quam tu falso profiteris, cum facultate ornate copioleque loquendi tam arctè conjuncta, ut qui has distrabere conetur, ac divellere, quasi corporis & animae discidium inducat. Te, rebus gravioribus intentum, verba neglexisse dicis. Quasi non tot barbara vocabula, prisco Latine inaudita, quae Marcus Varro, Romanae Linguae peritissimus, ignoraret, & Terminorum monstra, quae avorum temporibus, cum purus sermo jacebat neglectus, in scientias introducta sunt, quibus ipsa sapientia à tot illustribus inge-

ingeniis olim culta, tantum à pristina dignitate, quantum à dicendi nitore recessit, didicisses, quae nihil aliud quam verborum concertationes sunt, inid inventae, ut inania verba sine rebus imbibantur. Haec tamen si quis eructare norit, alte supercilia attollit, ac se magnifice effert, caeteros despicit, & sua admiratur. Quod si illi, qui talibus adhuc delectantur, viam veterum, & rationem, qua in Philosophia tradenda usi sunt, pervestigarent, & intelligerent, fors esset, ut ad horum exemplum iis abstinere mallent, quam sapientibus, & ingenii exculti viris, ludibrium cum risu debere. Quanta eloquentia Philosophica tractavit Tullius, & Annaeus Seneca, Naturalia Plinius, & Astronomica Manilius? Quos si vel inspicerent, illico sorderet haec vulgata Philosophandi ratio. Sed quia hi non sunt ad eorum palatum, etiam alios ab illorum lectione arcent, & ingenii, in quorum cultura non minima spes est, istum tramitem inficetorum Philosophorum percurrere praecipiunt. Hic tamen nos Grammaticos audet vocare, ac calumniari, nos in levibus, & minimi momenti rebus, consensescere. Quo ipso summam antiquitatis omnis ignorantiam ostendit, & suam infantiam prodit. Grammaticorum quidem nomine censentur hac tempestate, quorum omnis industria in tradenda pueris elementorum ratione versatur, quos *ῥητορικοὶ* Graeci, Liceriones Latini appellarunt, quam artem etiam omnes paedagogi quotidie tractant. Hanc pueris, & eorum praeceptoribus, linquendam, ac vix inter disciplinas reponendam censeo, licet in ea excelluerint, apud Graecos Herodianus, Tryphon, Apollonius Alexandrinus, Plinius Secundus, & ipse Julius Caesar. Sed veteribus Grammatici erant, & dicebantur, tum qui

qui abstrusas historias, Poëtarum mythologias, & Oratorum monumenta explicant, ac omnes scriptores interpretantur, quos Literatos, & Philologos, appellabant, tum, qui ubi in abdita doctrinae penetralia se insinuarunt, iudicium de omnibus scriptoribus, tam novis, quam antiquis, ferunt, depravata emendant, ambiguas & variantes lectiones colligunt, quae falsas inscriptiones mentiuntur suis Auctoribus asserunt, ac vindicant, loco mota reponunt, & restitunt, errores aliorum notant, ac castigant, & veluti censores, atque principes, pro tribunali sedent, & sententiam de omnibus pronunciant ac sciscunt, quos Criticos vocabant. Quare, quod ille maledictum vehemens existimat, ego laudem duco maximam: neque enim multorum est, sed paucorum. Nam siue illos spectes, requiritur in iis omnis eruditio.

Ut legat historias, auctores noverit omnes
 Tanquam ungues digitosque suos: ut forte rogatus
 Dum petit aut thermas, aut Phoebi balnea, dicat
 Nutricem Anchisæ, nomen patriamque novercae
 Archemori: dicat quot Acestes vixerit annos,
 Quot Siculus Phrygibus vini donaverit urnas.

Sive hos, isti non una disciplina contenti quoniam
 omnium unum quoddam vinculum ac corpus esse sciunt,
 stupendo labore, scientiarum orbem totum pervagan-
 tur, & perficiunt. Hinc veteres non unam illis di-
 sciplinam, tanquam propriam, sed in universum
 omnes subjecerunt, & iudicium de scriptoribus cu-
 jusque generis permiserunt. Tales Criticos, qui in
 conservandis & emaculandis scriptoribus operam po-
 suerunt, nemo ignorat, nisi barbarus, ab omni aervo,

& in omnibus cultioribus & humanioribus gentibus;
 extitisse. Apud Hebraeos Masorethae fuerunt, quo-
 rum miranda circa S. Codicem industria, & singulare
 studium, ac diligentia eluxit. Nam, & Bibliorum
 scripta apicibus & punctis vocalibus exornarunt, &
 varias lectiones diligentissime annotarunt, & non
 modo quot commata & verba, sed etiam quot literas
 continenter libri singuli, numerarunt. Arduum
 opus, quod vel ipse Hercules, non minus quam ter-
 tium decimum laborem, exhorruisset. Apud Grae-
 cos divinum & incomparabile Aristotelis ingenium
 effulsit, à quò Criticen initium coepisse existimant.
 Tum Aristarchus extitit, vulgo *κρίταρχος* dictus, cu-
 jus opera in colligendis Homeri scriptis laceris, & no-
 tandis spuris versibus, fuit occupata. A quo tem-
 pore Homero immortalitas est data. Fuere quoque
 Censores Comicarum, ac Poëtarum judices, qua-
 les quinque Athenienses habuerunt. Dein huic
 studio incubuere Crates, Aristophanes, Nicander,
 Callimachus, Apollonius Rhodius, Chrysippus, alii
 Heroes magni, quos Philologos, Polyhistoras, &
πολυμῆδεις, à multiplici rerum scientia, & immen-
 sa eruditione, veteres dixerunt. Hujus ordinis
 plurimos habuerunt Romani, quales fuerunt Mar-
 cus Varro, togatorum doctissimus, qui Plautinas
 comoedias insigni diligentia recensuit, Nigidius Fi-
 gulus, Verrius Flaccus, Palaemon, Sisenna, San-
 tra, Nicias, Nicanor, Valerius Probus, Laeneus,
 Pompeji M. libertus, Varius & Tucca, qui Augusti
 jussu Virgilium emendarunt, Aelius Jurisconsultus,
 Asconius, Agellius, Servius, alii, per quos illiba-
 tus mansit honor auctorum praestantium, & Latini-
 tatis. Intravit & Critica consularum domum M. Tul-
 lii,

ly, quem non piguit Lucretij de natura libros emendare, & ad Atticum disputare, Piraeum an Piraeum scripserit Caecilius. Tandem, cum profligata barbarie, quo jacuerant scriptores elegantes situ squalidi, & pulvere, qui meliorum librorum partem exederat, obsiti, necessarium esset, ut homines docti tollerent maculas, quas temporum injuria, & imperiti librarii inusserant, studium hoc praestantissimum in Italia suscitatum est, ac dein in omnibus Europae partibus extiterunt plurimi summi viri, qui veterum librorum ope, & ingenii praestantia, tot Philosophorum, Historicorum, Oratorum, Poëtarum, S. denique Patrum, vulnera sanarunt, quae seculis istis infelicibus acceperant. Cernite hic mecum Angelum Politianum, Hermolaum Barbarum, Petrum Victorium, Laurentium Vallam, Desiderium Erasmus, Carolum Sigonium, Aldum & Paulum Manutios, Antonium Muretum, Adrianum Turnebum, Justum Lipsium, & complures alios, quos enumerare longum esset, ingeniorum & eruditionis principes, quibus salutem suam se debere optimi auctores confitentur. His tamen Criticis hoc crimen impingit Febriculanus, quod non nisi levia sectentur, & omnis eorum opera in nugis versetur. Qua noxa non omnes, qui se Criticos vocant, & tales censeri volunt, absolvo, cum non pauci reperiantur, qui studium hoc calide nimis amplexi, & nec ab ingenio, aut judicio, & varia doctrina abunde instructi, levissimas tantum res, & inutiles afferunt, ac majestatem Criticae jejunis suis observatiunculis imminuunt. Nam cum ad eam ingenium summum, judicium acre, nec vulgare, sed eximia, requiratur eruditio; facto agmine involarunt homines, ambitione caeci, qui famam nomi-

nis ex inanibus rebus petierunt, & sicut olim ridenda barbarie, ita naeniis sua volumina implerunt, ac Criticae dignitatem ineptiis suis inquinaverunt, quod malum plurima in rem litterariam incommoda invexit. Sed hoc Criticae, & viris magnis, quos majorum gentium Criticos appellare licet, fraudi esse minime debet. Pari jure enim vel ipsa Philosophia, quia multi, qui Philosophorum sibi nomen arrogant, nugatores sunt maximi, & vanissimis rebus immergi, in intricatis controversiis, contortis quaestiunculis, futilibus naeniis, omnem aetatem misere transigunt, proscribenda esset. Veros Criticos levia tractare nemo sanus dixerit. Nisi leve ducatur veterum scripta, ex quibus omnis solida eruditio haurienda est, à vitiis & mendis liberare, cum vel unius literulae erratum, eruditus alioquin viris, tantas saepe offundat tenebras, ut veluti in illuni nocte errent. Nisi leve sit auctores veteres à mendosis translationibus vindicare, quae sensum eorum plane pervertunt, & viros doctissimos in errores maximos praecipitant. Nisi leve denique sit librariorum fucos & fraudes detegere, libros falso inscriptos, magnisque scriptoribus suppositos, deprehendere. Verum hac calumnia non contentus Febricalanus, etiam Criticos dicit, si modo nati sint aliquod MSS, & in eo invenerint literam mutatam, statim corrigere, vel, quod verius est, depravare. Sed hoc vitium eorum est, qui nullo judicio in his literis versati, genuinas falsasque lectiones discernere nequeunt, veros germanosque Criticos non tangit. Hi enim MSS. summo cum judicio tractant, neque omnia promiscue ex iis arripiunt, sed vel menda manifesta, aut adhuc latentia, eorum ope corrigunt, & indagant, vel majorem elegantiam, aut commodiorem sensum, in iis si repererint, aucto-
ribus

ribus restituunt. Hoc maximum pulcherrimumque facinus esse, hoc laudem & gloriam nunquam intermitten-
 turam Criticis asserere, quis neget? nisi argutuli
 quidam magistelli, qui hujus operae dignitatem, ac
 praestantiam, neque videre, neque dignè aestimare,
 sciunt. Sed hos generoso contemptu facile ulcisci pos-
 sumus, & crassa illorum iudicia ridere. Nulla sane
 tutior, aut certior, est emendatio, quam quae ex
 MSS. petitur. Sed illa rectè tractare, non est è ple-
 be doctorem, sed paucissimorum, qui diu in lectione
 auctorum versati, cum omnigenam sibi eruditionem
 pararunt, summa diligentia, & iudicio quam maxi-
 me subacti, illud aggrediuntur. Addit Febriculanius,
 à Criticis ex conjectura plerosque auctores non corri-
 gi, sed corrumpi. Est quidem illa emendandi ratio pe-
 riculosa, si temerarii quidam iuvenes, aut pueri se-
 nes, in eam inciderint. Quorum ego corrigendi pru-
 ritum quam maxime culpo. At si à viris, in conje-
 ctando sagacibus, praestetur, non adeo lubrica est, &
 incerta, aut plane damnanda. Sunt enim eorum con-
 jecturae pleraeque adeo clarae, liquidae, & certae,
 ut de illarum veritate dubitari non possit. Et licet,
 quod in illo negotio interdum fieri necesse est, quando-
 que fallantur, & persaepe titubent, aut cadant, cum
 nemo adeo sit *laxus*, ut non, aut temeritate inter-
 dum, aut incuria, peccarit, non tamen ita omnino
 luditur opera, ut non hac ratione saepissime auctores
 iuventur. Nam & plurima inuisa eruunt, & ple-
 rumque subnascitur alius, qui peccata priora animad-
 vertat. Unde vel plurimum boni praestant ipsi, vel
 praestandi ansam sequentibus praebent. Quot non lo-
 ca vel ego in Varrone, Festo, Manilio, Aufonio,
 Poëtarum triumviris, Catullo, Tibullo, Propertio,

Et plurimis aliis scriptoribus hoc modo restitui? Con-
jecturas autem suas, quas omnes præstare non pos-
sunt viri maximi, non pro verissimis, ac certis, ven-
ditant, sed, sequuti sapientium judicum rationem,
qui, quod perpetuo jure non possunt, arbitrario deci-
dunt, aliorum judiciis submitunt. Dein periculum
esse clamat Febricianus, ne cuncta in scientiis inno-
vent Critici, ac corrumpant. Misera profecto hæc
temporum ratio est, ut ingratum & odiosum sit, quæ-
dam à genio seculi aliena proferre. Est hic hominum
plerorumque morbus, ut quaecumque à receptis & in-
veteratis opinionibus recedunt, nova, & periculosa
clament. Sed vanissimus ille metus est, cum nova,
quæ Critici proferunt, nulli observata prius, scientias
illustrent, & doctrinae campum latissime extendant.
Vel Theologos quam multa docui? quot Scripturæ
loci in meo de Emendatione Temporum opere, &
scriptis aliis, explicavi primus, quæ boni isti viri
nunquam intellexissent? Quam multa in Hippocratis
libello detexi, quæ Medici ne in somnis quidem vider-
ant, neque suspicati sunt? Imo vos, qui Philosophos
vos dicitis, quam multa Criticis debetis, cum eorum
ope Aristotelem, Platonem, Theophrastum, cæte-
rosque præstantes Philosophos, emendatos, & ex-
plicatos habeatis. Sed quia hi sunt supra captum ve-
strum, neque tantam peritiam habetis, ut eos Græc-
ce consulere, & legere possitis, non mirum si Criti-
corum industriam, & inexhaustum laborem, aestimare
nequeatis. Lateret in tenebris, & nodis plusquam
Gordii implicaretur genus omne disciplinarum, nisi
Critici essent. Perirent sacra pariter, ac profa-
na, perirent omnium monumenta, & eorundem cultor-
es, nisi Critici conservarent. Rediret pristina bar-
ba-

*baries, & rerum omnium ignorantia, nisi Critici ob-
fisterent. Ut non tanquam corruptores librorum, &
scientiarum, Critici exagitandi sint, sed summae
contra ipsis habendae agendaque gratiae, qui di-
vinarum humanarumque rerum scientiis opem ferentes,
adminiculante laboriosa diligentia, excultiore inge-
nio, acriore judicio, omnigena doctrina, optimis qui-
busque scriptoribus, qui ex illo Barbariei naufragio
emerferunt, ultro subvenere, ac singulos salutare lu-
ce perfudere.*

PLura dixisset Scaliger, nisi è folio surrexisset Di-
va Sophia, & sat multis, validisque rationibus,
Criticorum causam ab eo actam esse pronunciaisset.
Haud dici potest quanta tum rerum facta sit mutatio.
Critici cum gaudio, & acclamatione, Scaligeri oratio-
nem excipiebant, felicem ac laetissimum sibi spon-
dentes exitum. Philosophis

—— *frigidus horror*

Membra quatit, gelidusque coit formidine sanguis.

Nam, & praesens pavor, & futuri expectatio, omnium
animos repentino stupore defixerat. Jamque illi ipsi, qui
se paulo ante extrulerant, & crudele hauscerant gaudium.

Tacent, & ora pallor albus inficit,

Mentesque percussae stupent.

ac ingens ille animus concidit, demissique stabant auri-
culis, acellis omnibus iniquiores. Tum Diva Sophia
breviter pronunciauit: *Sibi videri recte, & ex ordine,
Apollinem fecisse, quod isto speculo Criticos donarit, cum
nulli digniores essent, qui omnes artes, & scientias, &*
cla-

claros auctores, melius intelligere, explicare, & conservare possent. Ab ejus tamen aspectu arcendos esse indoctos, & litigiosos, qui augustum nomen Criticæ falso sibi vindicarent. Philosophi imposterum silerent, neve Criticis negotium facerent, nisi male multari mallent. Tum laeti sibi mutuo gratulabantur Critici, & Scaligerum, quod eorum causam optime orasset, dignis laudibus efferebant. Ego, cum isti hominum generi nimium semper favissem, mereprimere non potui, sed, prae lacticia, voce magna inclamavi,

Vicinus ô socii, & magnam pugnavimus pugnam,
atque ita somno statim solutus sum.

VALETE & PLAUDITE.

